



ODA E MJEKËVE TË KOSOVËS
KOSOVO DOCTORS CHAMBER • LEKARSKA KOMORA KOSOVA

REAGIM PUBLIK

OMK me shqetësim të madh është vënë në dijeni për deklaratimet e Hetem Ramadanit në emisionin Rubikon të kanalit televiziv Klan Kosova, lidhur me temën e vaksinimit, në të cilën ai deklaroi se “Mjekët janë një ndër vrasësit më të mëdhenjë në botë për shkak të gabimeve, për shkak të mosdijes, për shkak të interesave që janë agjentë të farmacisë”.

OMK, deklaratimet e tilla për vrasje i konsideron se janë akuza të rënda ndaj mjekëve si profesionistë shëndetësor, e që kanë për qëllim stigmatizimin dhe shënjestrimin e figurës së mjekut në shoqëri. Me qëllim të ruajtjes së dinjitetit dhe ndërgjegjjes së mjekut, kjo gjuhë e ashpër duhet dënuar nga shoqëria dhe si e tillë të konsiderohet e papranueshme.

Oda e Mjekëve përmes këtij reagimi dënon ashpër një deklaratë të tillë e cila paraqet akuzë të drejtpërdrejt ndaj komunitetit mjekësor, për veprime që përbëjnë krime të rënda siç është privimi i njerëzve nga jeta. Pasoja esenciale e deklaratimeve të tilla është paragjykimi ndaj profilit të mjekut, duke ndikuar në raportin në mes të mjekut dhe pacientit, përmes cënimit të besueshmërisë së prezumuar.

Gjithashtu duke qenë të vetëdijshëm se kohëve të fundit jemi përballur me pandeminë Covid-19 dhe kontributin e mëdhtë mjekëve në parandalimin e përhapjes të këtij virusi si dhe mbrojtjen e jetës njerëzore, OMK nuk do të lejojë që të cenohet dinjiteti dhe integriteti profesional i mjekut, i cili si profesionist shëndetësor kujdeset për jetët e qytetarëve duke rrezikuar e jetërat e tyre në angazhimin e luftimit të situatave të tilla të cilat rëndojnë shëndetin e qytetarëve të vendit tonë.

Pohimet e tilla përbëjnë elemente të vepërës penale të nxitjes së urrejtjes, e sanksionuar me Kodin Penal të Republikës së Kosovës. Ne konsiderojmë se organet ligjzbatuese duhet të ndërmarrin veprime konkrete për të parandaluar çfarëdo paragjykimi dhe shkaktim të pasojave të kundërligjshme, përfshirë ato që kanë të bëjnë me ushtrimin e profesionit.

Krejt në fund, është për keqardhje krijimi i hapësirës dhe mundësisë nga mediat për sharllatanët e tillë si Hetem Ramadani, dhe jo vetëm ai.

PRISHTINË, 19 qershor 2020

Oda e Mjekëve të Kosovës

